

UDALBILTZA. Erakundearen ordezkaritza bat Porto Alegreko foro sozialean da egunotan

Aberri Egun bateratua ospatzeko deia egin die alderdi politikoei Udalbiltzak

«Alderdien gaineratik Euskal Herriaren eguna behar du izan», esan zuen atzo Ugarteburuk

Irene Arrizurieta | IRUÑEA

Aberri Egun «bateratua» ospatzeko deia egin zien alderdi politikoei Maribi Ugarteburu, Udalbiltzako Batzorde Eragileko eledunak, atzo. Iruñean komunikabideen aurrean mintzatu zen Ugarteburu, eta ospakizunak Euskal Herriaren eguna izan behar duela azpimarratu zuen.

Aurreko urteetako Aberri Egundetako ospakizunen ezaugarriak «alderdien arteko kalapita eta ekitaldi banatuak egitea» izan direla esan zuen Ugarteburuk. «Izaera bateratzailea alde batera utzita, bakoitzak bere aldetik jo zuen», kritikatu zuen Batzorde Eragileko eledunak.

Egoera ikusirik, erakundeak gutun bana igorri zien Aberri Eguna ospatu ohi duten alderdi abertzaleei, baina orain arte ez dute erantzunik jaso. «Aurten gaia berriz ere mahai gainean jarri nahi dugu, autodeterminazioa, lurraldetasuna eta eskubideak ardatz izango dituen Aberri Egun bateratzailea ospatuz», azaldu zuen.

Hori lortzeko helburuarekin, Udalbiltzak harremanak hasi ditu hainbat alderdi eta eragileekin Aberri Egun bateratua ospatzeko eginahalak egin ditza-



JAGOBA MANTEROLA / ARGAZKI PRES

Maribi Ugarteburu Udalbiltzako Batzorde Eragileko bozeramailea Iruñean mintzatu zen atzo.

ten. Eskubideak eta autodeterminazio eskubideak ardatz izanik, herrien parte-hartzea bultzatu nahi luke Udalbiltzako Batzorde Eragileak. «Nazioa herrietatik eraikitzen da. Euskal Herriaren, eskubideen eta herri honen aniztasunaren ezagutzaren eguna izatea nahi genuke»,

adierazi zuen Ugarteburuk. Horrenbestez, heldu den apirilaren 20ko Aberri Eguneako ospakizunen aurretik, herriak protagonista izatea nahi du Udalbiltzak. «Gure helburua herrien arteko elkar ezagutza bultzatzea da, lurraldetasuna irudikatze eta nazio eraikuntzan kohesio lana

egiteko. Herrien arteko sare-tzea eta elkarlana ehuntzen hasiko gara Aberri Egunaren ospakizunarekin batera», esan zuen. Ospakizunaren aurreko asteetan Udalbiltzak herrien arteko senidetze berriak sortzen lagunduko du, eta daudenak areagotzen eta sendotzen.

AURREKONTUAK

Gipuzkoako Foru Aldundia eta PSE-EE egunotan bilduko dira negoziatzeko

Europa Press | DONOSTIA

Gipuzkoako Foru Aldundia eta PSE-EE egunotan bilduko dira aurrekontuak negoziatzeko, Europa Press albiste agentziak jakinarazi duenez. Mahai gainean PSE-EEK Aldundiari helarazi dion kontraproposamena dago, hain zuzen ere, PSE-EEK udalen finantzaketarako diru kopurua handitzea eskatzen duena. Manuel Huertas Gipuzkoako PSE-EEK idazkari nagusiak herenegun esan zuen negoziatzioetan lehentasunezko gaia dela udalen finantzaketa handitzea.

Aldundiak aurkeztu dituen aurrekontuetan %6ko igoera aurreikusten da gastu sozialean. Igoera hori sozialistenganako «keinutzat» hartu zuen Huertasek, eta negoziatzioetan aurrera egiteko prestutasuna adierazi zuen.

Bizkaian, Foru Aldundiak aurrekontu proiektu berririk aurkeztu ere egin gabe iazkoak luzatzea erabaki izana kritikatu zuen atzo Josu Montalbán Batzar Nagusietako PSE-EEK bozeramaileak. «Arduragabekeria eta alegaltasuna» leporatu zion Josu Bergararen gobernuari.

ITUN EKONOMIKOA. Montorok eta Sanzek herenegun sinatu hitzarmena «foralitatearen aurka» doala salatu du legebiltzarkideak

«Subiranotasun ezak Nafarroari 360,9 milioi euroko kostua» dakarkiola dio Barrenak

Irene Arrizurieta | IRUÑEA

Miguel Sanz Nafarroako lehen-dakariak eta Cristóbal Montoro Espainiako Ogasun ministroak herenegun Iruñean sinatu zuten Itun Ekonomikoa kritikatu zuen Fernando Barrena Nafarroako ezker abertzaleko legebiltzarkideak, atzo. «Foralitate eta subiranotasun ezak, eta Madriliko UPNk eta PSNk adierazten duten menpekotasunak Nafarroari 360,9 milioi euroko kostua» dakarkiola salatu zuen.

Barrenaren iritziz izenpetu den Itun Ekonomikoa «foraltasunaren aurkako beste eraso bat da». Akordioak itunaren «betiko egiturari» eusten diola uste du legebiltzarkideak. Itun

Ekonomikoari aitortu zaizkion hiru berrikuntzak –Foruzaingoaren kostua Espainiak ordaintzea, trafiko eskumenak eta Nafarroak zerga berriak sortzeko aukera– «benetakoak ez baizik formalak» direla esan zuen. Legebiltzarkideak esan zuen Foruzaingoaren garapenaren kostua «gutxi» dela. Salatu zuen itunak ez duela «Foruzaingoaren definizioarako biderik ireki». Trafiko eskumenak eskuratze-ko Nafarroa eta Madril lotze-arduen akordioa «bitxia» izan dela gaineratu zuen. «Guardia Zibilak Nafarroako errepideetan segiko du. Foruzaingoaren eskumenak zein izan diren ez da argitu».

Izan ere, trafiko eskumenak

Guardia Zibilaren eta Foruzaingoaren artean banatzen ziren orain arte. Heldu den astean bi gobernuak sinatuko duten akordioaren arabera Guardia Zibilak Nafarroako errepideetan segiko du UPNk ez duelako Polizia Gorpu horrek herrialde-tik alde egitea nahi.

Nafarroak zerga propioak arautzeko ahalmena ere «aldaketa formalak» dela esan zuen Barrenak, Nafarroako Parlamentuak Madril onartzen diren arau fiskalei «baietza ematen» segiko duelako.

Batasuna negoziatzio mahaitik baztertu eta azken bi bilertara gonbidatu ez izana gaitzetsi zuen Barrenak. Legebiltzarraren taldea desegitean ez



JAGOBA MANTEROLA / ARGAZKI PRES

Fernando Barrena, atzo.

zuten gonbidapen gehiagorik jaso. «Lekuko deserosoak gara, eta egin genitzakeen proposamen ausartak ekidin nahi izan dituzte», esan zuen.

Bestalde, Miguel Sanz Nafarroako lehendakariaren gober-

PERNANDO BARRENA

Ezker independentistako legebiltzarkidea

«Foruzaingoaren eskumenak ez dira argitu. Guardia Zibilak gure errepideetan segiko du»

nuak onartu duen Ikurren lege proiektua «Terrorismoaren aurkako Itunarekin» uztartu izana kritikatu zuen Fernando Barrenak. Legebiltzarkidearen ustez, ikurrina, euskara eta euskal kultura «garbitu beharrekoak» dira UPNren gobernuaren-tzat. «UPNren proiektua azpi-datziak dituen Nafarroarena da. Nahiago dugu jatorrizko bert-sioa eta legearen aurka borrokatuko dugu», azaldu zuen nafar parlamentariak.